



partii naleraq

11.april 2016

UPA2016/25

Akileraruserinermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2016-imeersoq (Soraarnerussutisiaqarnissamut aaqqissuussinernik nunanut allanut nuussineq)

Akileraruserinermik ingerlatsineq pillugu inatsisip allanngortinneqarnissaa Naalakkersuisut saqqummiussaqaarnerat matumuuna Partii Naleqqamiit naatsumik oqaaseqarfigissavarput.

Siunissami nunatsinni innuttaasut soraarnerussutisiassanik nammineq katersuinerulernissaanik anguniaqarneq tamakkiisumik isumaqatigaarput, tassami pisortat isumalluutigineqarnerat siuniussami sapinngisamik millisartuarneqarnissaa anguniartuartariaqarparput, siunissamimi pisortani aningaalersugassagut taamatut ingerlaannassagaluarutta annertusiartuinnartussaammata, taamaattumik siunissamut imminnut napatinnerulernissamik anguniaqarneq isumaqatigilluinnarparput Nunattami naalagaaffinngornissaa anguniarparput.

Akitsuutitigut immikkut isertinneqartussat assersuutigalugu soraarnerussutisiaqarnissamut aaqqissuussinernut piffissaq suli naanngitsoq atorunnaarsinneqartunut akitsuut pissarsiaq Landskarsip pisassarigai siunnersuutaavoq tamannalu inatsimmik allannguinarneq tunngaviatigut isumaqatigaarput.

Tassanilu saqqummiussani akitsuutit pissarsiarineqartussat eqqarsaatigalugit Namminersorlutik oqartussat kommunillu siunertaannut atorneqartussaannerat isumaqatigaarput, aammalu kommunit akitsuutip Landskarsimut nakkartartussanngorneranik annaasaqarsinnaannerat pinngitsoorniarlugu kommunit ataatsimoortumik tapiissutitigut qaffaaffiginerisigut aaqqinneqartarnissaa isumaqatigalutigu kiisalu siunissami aningaasaateqarfiup aningaasaliissutaasa agguanqartarnissaanni kommunit sunniuteqaqataaannissaat oqaatigineqartoq iluarisimaarlugu.

Taamatut oqaaseqarluta aningasaqarnermi akileraartarnermilu ataatsimiititaliami suliarineqarnissaa innersuussutigaarput.

Hans Enoksen